

Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

Beati, Gabriele

Augustæ Vindelicorum, 1729

VD18 90108957

40 An metus gravis, à quorumcunque præceptorum humanorum violatione excuset.

urn:nbn:de:hbz:466:1-39908

est iniuste incusus; sed etiam, quando est incusus iuste; Quamvis enim, hic metus, non sit sufficiens ad rescissionem contractus, est tamen sufficiens ad excusandum à legis humanæ transgressione; quia lex humana non obligat cum tanto detimento, ac incommodo; Vnde, qui,

proper hoc homicidium commissum, in alius Principis domum, se recepit, ne inde sine periculo exire potest, ne à iustitia Ministris capiatur; diebus festis, ad Ecclesiam accedere non tenetur, ut sacram audiatur.

QVAESTIO XL.

An metus grauis, à quorumcumque præceptorum humanorum violatione excusat.

CASVS.

SACERDOS quidam, cum, metu mortis compulsus, Clericum Neapolit occidisset, Florentiam se transtulit, ibique saepius celebrauit. Quaritur; utrum, Clericum occidendo, sacrilegium commiserit, & in excommunicationem, ac irregularitatem, tam ex Clerici occidente, quam ex celebratione, inciderit.

SVMMARIVM.

- 2 Metus, excusare non videtur, quando præceptum humanum prohibet aliquid, lege naturali prohibitum.
- 7 Verè tamen, tunc etiam excusat.
- 8 Lex humana, regulariter, non obligat cum graui incommodo.
- 9 Vnde, tunc, obligat solum lex naturalis.
- 10 Sicut, cum quis, legem humanam invincibiliter ignorat.
- 11 Humana prohibito, tunc, non magis obligat, quam, si invincibiliter ignoraretur.
- 12 Metus, excusat à pœna, debitâ ex yis iuris humani, non naturalis.
- 13 Vbi tamen agitur de bono communis, neque à violatione, ac pœna iuris humani.
- 14 Peccat tunc, quis solum materialiter,

contra legem humanam, non formaliter.

- 15 Metus excusat à Censuris.
- 16 Nec in Confessione, est explicanda circumstantia violationis iuris humani.
- 17 Neque villa irregularitas, incurritur, ob violationem censure.
- 18 Votum obligat ad instar legis humanae.

RATIONES DVPITANDI.

QUAMVIS metus grauis, à præceptorum, humanorum transgressione excusat, quando hæc, aliquid, alias, non intrinsecè malum præcipiunt, vel prohibenti; Est tamen specialis difficultas, an excusat, quando prohibent aliquid Diuina, vel naturali lege, prohibitum; Multi enim qui, in primo casu, hoc concedunt; in secundo negant; eisque propterea, Sacerdos videatur, Clericum occidendo, sacrilegium commi-

commisso, & consequenter excommunicationem Canonis, & irregularitatem contraxisse. *Sanch. lib. 9. matr. disp. 31. num. 6. Duard. in explic. Bullæ Cœnæ lib. 1. c. 2. quæst. 2. num. 7. & lib. 2. c. 3. qu. 13. concl. 3.*

3 Primo; Quia occidit personam Deo consecratam; hoc autem est Sacrilegium, non minus, quam si occidisset, in loco Sacro. Neque obstat, quod, metu mortis compulsus, occiderit; Quia, cum occidio Innocentis, priuata auctoritate, sit actio intrinsecè mala, & contra legem naturalem, nullo metu excusari potest à culpâ; tenebatur enim, mortem subire potius, quam Clericum innocentem occidere, cum malum culpæ, cuicunque malo, etiam propriæ mortis præferre teneretur. Si autem mortis metus, non sacrificit ad Clerici homicidium excusandum à culpâ, illud consequenter, nec excusare valebit à pena excommunicationis, ac irregularitatis, illud annexâ.

4 Secundò; Quia in ijs, quæ iuri Diuino, ac naturali aduersantur, quale est Clerici homicidium, mens non excusat à pena, ut habetur; c. si quis coacti: 22. quæst. 5. ibi: Si quis coactus, pro vita redimenda, vel pro qualibet causâ, vel necessitate periuret; quia plus corpus, quam animam dilexit, tres quadragesimas paeniteat; Ergo etiam, in Clerici homicidio, quod legi Diuinæ, ac naturali aduersatur, metus, Sacerdotem homicidam ab excommunicatione, ac irregularitate excusare non potuit.

5 Tertiò; Quia in c. Sacris; de bis, quæ vi. Pontifex decernit; communicationem cum excommunicato vitando, factam per vim, & coactionem, excusa-

ri à culpa, quia est simpliciter iniuriantaria; factam verò per metum, non excusari, licet minuatur, quia est simpliciter voluntaria: additque: licet metus attenuet culpan; quia tamen non eam prorsus excludit, cum pro nullo metu debeat quis mortale crimen incurrire; excommunicationis labe credimus inquinari. Si ergo metus, communicationem cum excommunicato vitando, ab excommunicatione non excusat, quia non excusat à culpâ; multò minus excusabit Clerici homicidium ab excommunicatione, ac irregularitate, cum illud similiter non excusat à culpâ.

Quarto; quia Vxor, quæ metu mortis, copulam habuit cum fratre Mariti, priuatur ire petendi debitum, quia metus, licet culpam minuat, illam tamen non tollit. Sed hoc idem valet in Clerici homicidio, Ergo etiam, Clerici homicida, excommunicationem, & irregularitatem incurrit; Non minus enim, ei fuit voluntarium homicidium, quam Vxori incestus cum fratre Mariti, nec minus est intrinsecè malum homicidium, quam incestus.

RESOLVTIO.

Respondet tamen; Sacerdotem, 7 metu mortis, Clericum occidendo, sacrilegium non commisso, sed simplex homicidium; ideoque neque excommunicationem, aut irregularitatem incurrit. *Suar. tom. 5. in 3. p. d. 4. f. 3. num. 14. Sanchez tacitè se retractans. lib. 2. sum. c. 10. num. 49. Auila de cens. p. 2. c. 6. d. 8. dub. 5. Vasquez 1. 2. d. 98. c. 3. Clau. reg. lib. 2. cap. 5. num. 11. Salas 1. 2.*

E c 2 tract.

*tract. 13. d. 3. f. 2. num. 14. Suar. tom. 1.
de relig. lib. 3. de sacril. c. 2. num. 4. Co-
mitulus lib. 5. quæst. 8. & alij apud istos.*

3 Primò, quia Sacerdos, Clericum sic occidendo, peccauit solum contra legem naturalem, prohibentem homicidium, non verò contra legem Ecclesiasticam, ex motu Religionis, ac in reverentiam status Clericalis, prohibentem, ne quis manus violentas in Clericum iniiciat; *can. si quis suadente. 17. qu. 4.* Hæc enim, cum sit lex humana, in eo casu, cum tanto incommode, ac vita discrimine, non obligabat. Circumstantia autem sacrilegij, desumitur ex legis Ecclesiasticae prohibitione; hæc enim, ex motu Religionis, & in reverentiam status Clericalis, prohibet, ne quis manus violentas in Clericum iniiciat. Cum ergo Sacerdos, metu mortis libi incusso, Clericum occidens, contra legem Ecclesiasticam non peccaverit, consequenter neque Sacrilegium commisit, neque excommunicationem, aut irregularitatem contraxit; Censura enim non incuruntur, nisi peccetur præcisè contra legem Ecclesiasticam, vt docent communiter Doctores in materia de Censuris.

9 Secundò; Quia, quando lex humana prohibet aliquid, quod est intrinsecè malum; quamvis teneatur quis, mortem potius subire, quam illud agere; hæc tamen obligatio, ex ipsa lege humana non prouenit; Hæc enim non obligat cum vita periculo; Sed ex vi præcepti naturalis, actionem intrinsecè malam prohibens. Quamvis ergo Sacerdos, mortem subire potius, quam Clericum occidere teneretur: hæc tamen obligatio, ex lege

Ecclesiastica non oriebatur, sed solum ex naturali; ideoque peccauit solum contra legem naturalem, non verò contra Ecclesiasticam. Si autem contra legem Ecclesiasticam non peccauit, neque eius pœnas incurrit; hæc enim transgressoribus solum sunt impositæ.

Tertiò; Quia, qui furatur, inuincibili-
liter ignorans, excommunicationem esse
furto ab Episcopo impositam; propter
furtum, excommunicationem illam non
incurrit; Tum quia; *in e. vt animarum:
de consit. in 6.* expresse decernitur; sen-
tentia per statuta Ordinariorum prolati,
non ligari ignorantes. Tum quia, Epis-
copi legem inuincibiliter ignorans, of-
fendit tantum ius naturale, contra quod
se agere cognoscit, non verò Episcopi ius
politum, quod invincibiliter ignorat; Eg-
o solius prioris iuris pœnas incurrit,
non verò excommunicationem, quæ est
pœna, per legem Episcopalem, imposta.
Sed etiam Sacerdos, Clericum, metu, mor-
tis, occidens, offendit solum legem na-
turalem, quæ sola obligabat, non verò
Ecclesiasticam; Quia hæc, in eocasu, &
cum vita discrimine, non obligabat. Eg-
o ipse etiam, solius iuris naturalis pœ-
nas incurrit, non verò iuris Ecclesiastici;
Sicut enim se habet ignorantia, in ordi-
ne ad excusandum à legis transgressione;
ita se habet metus, præsumptum mortis, in
lege humana.

OBIECTIONVM SOLVTIO.

N Eque obstant rationes in contrarium.
Ad primam enim respondeatur,
Sacerdotem, occidisse personam Deo con-
secratam,

secretam, solum materialiter; quia circumstantia personæ Sacrae, ratione metus, illum tunc non obligabat, magis quam si occidisset, inuincibiliter ignorans, esse Clericum, sive personam Deo consecratam; Non minus enim metus, habet vim excusandi à legis Ecclesiastica transgressione, quam ignorantia inuincibilis, eò quod lex Ecclesiastica non obliget eum graui deterimento ac incommodo. Sicut ergo, si Clericum occidisset, inuincibiliter ignorans, esse Clericum, sacrilegium non commisisset, sed simplex homicidium contra legem naturalem; Ita illum occidens, metu mortis compulsus, sacrilegium non commisit, sed simplex homicidium contra legem naturalem, à cuius transgressione, metus, illum non excusavit.

12 Ad secundam respondetur; In ijs, quæ iuri diuino, ac naturali aduersantur, metus non excusat à pœna, ex vi illius juris debitæ; A pœna autem debitæ ex vi alterius iuris, posse optimè excusare; Sicut enim excusare potest à transgressione alterius iuris, nempe humani, ita excusare potest etiam à pœna, per tale ius, transgressoribus imposita. Atque ita Sacerdotem, de facto, à pœna excommunicationis, & irregularitatis excusavit.

13 Ad tertiam, Respondetur; Pontificem ibi loqui, vel de communicatione in criminis; vt docet D. Thomas quodlib. II. art. 9. Vel de communicatione cuniuarii fidei, & contemptu censuræ, vt volunt, Azor. tom. 1. lib. I. c. 11. quest. I. Salas de legibus d. II. f. 1. num. 15. & Sayr. lib. 2. de cens. c. 14. num. 43. alios referens; In quibus casibus, me-

tus non excusat à culpâ mortali, etiam contra Ecclesias prohibitionem, cum Ecclesia, in istis casibus, vbi agitur de bono communii Religionis, obliget etiam cum mortis periculo, vt Quæst. preced. dictum est. In his ergo casibus, sicut metus non excusat à culpâ mortali contra Ecclesias prohibitionem de non communicando cum excommunicato, ita non excusat à Censurâ.

Ad quartam respondetur; Idem omnino dicendum esse de Vxore, que metu mortis compulsa, comisit incestum, quod dicitur, de Sacerdote, qui metu mortis, Clericum occidit; scilicet, illam incestum commisisse solum materialiter, perinde ac, si inuincibiliter ignorasset, eum, cum quo copulam habuit, fratrem esse Mariti; Ideoque nullam pœnam, à Iure Ecclesiastico impositam incurrit; cum, ratione metus, nullo modo ius illud offendit, sed peccauerit solum contrarius naturale, quod illam obligabat ad mortem potius subeundam, quam ad copulam illam permittendam; eadem enim prorsus est ratio, in uno casu, ac in alio.

COROLLARIA.

Colligitur ex dictis primò; Si lex aliqua Ecclesiastica, Missæ auditionem præcipere diebus festis sub pœna excommunicationis latæ sententia; omittentem tunc Missam metu mortis, excommunicationem non incursum, etiamsi metus incuteretur in odium, ac contemptum Religionis. Quia omittens Sacrum, tunc peccaret ad summum contra legem

Ee 3 natu-

naturalem de Fide, ac Religionē tuendā; non verò contra legem humanam Ecclesiasticā, quia hæc non obligaret cum tanto incommodo: excommunicatiō autem non incurritur, nisi p̄æcisē contra ipsam legem Ecclesiasticā peccetur.

16 Secundō; Sacerdotem, qui, ad euadendam mortem sibi, ab alio comitiatam, Clericum occidit, non teneri in confessione, Clericatus circumstantiam explicare, sed satisfacere dicendo; *occidi hominem*. Cum enim hoc peccatum, sacrilegij circumstantiam non habuerit, consequenter illam explicare non teneatur, imo nec potest; confiteretur enim peccatum sacrilegij, quod verè non commisit; nisi tamen simul circumstantiam metus sibi illati explicaret.

17 Tertiō; Sacerdotem, nullam irregularitatem ex celebratione contraxisse; Quia

non erat in statu Censuræ, ideoque, p̄æmissa confessione simplicis homicidij, licite poterat celebrare.

Quartō; Eum, qui voveret, aliquod peccatum lege naturali prohibitum non committere; V. G. Non fornicari, si deinde, ad euadendam mortem, sibi comminata, fornicaretur; non peccaturum peccato Sacrilegij contra Votum, sed solum peccato simplicis fornicationis. Cum enim Votum, sit veluti lex quædam priuata, quæ homo sibi imponit; obligat solum ad instar legis Ecclesiastice, quæ ab homine imponitur; ideoque non obligat, cum graui detrimento, ac incommodo. In Confessione ergo satisfaceret dicendo; *fornicatus sum*; nec circumstantiam Voti explicare teneretur; imo nec posset, vt de circumstantia sacrilegij dicendum est.

QVAESTIO XLI.

An metus grauis, à Legis Diuinæ positivæ transgressione, excusat.

CASVS.

CVM plures, in eadem Nau, ad loca Sancta traiicerent, in eaque vnicus esset Sacerdos; accidit vt Nauis exortà repente tempestate, ad scopulum alliterit, atque ita fluctibus iactaretur, vt submersionis periculum immineret. Omnes, qui erant in Nau, imminentis periculi timore perculti, ad Sacerdotem statim confugerunt, vt ei peccata confiterentur; Et quia periculum imminens, tempus integrè confitendi non concedebat, singuli, vnum tantum, aut alterum peccatum, confessi sunt. Quæritur; Vtrum, contra p̄æceptum de Confessionis, integritate, mortaliter peccauerint.

SVM-